



UNIVERSITÄTS-
BIBLIOTHEK
PADERBORN

Universitätsbibliothek Paderborn

Joannis Maurittii Gudeni Historia Erfurtensis Ab Vrbe Condita Ad Reductam

Gudenus, Johann Moritz von

Erfurti, 1675

III.

urn:nbn:de:hbz:466:1-11903

ntatem, & jura, quibus ante bellum gavi-
 visa est, restituere, poscere hoc pacis le-
 ges, quæ attentata per turbas nulli præ-
 judicio, & inversa restitui velint. * †
 Cæsar Melchiori Ottoni Bambergensium
 Antistiti, & Eberhardo Würtembergensium
 Ducum, Imperii Principibus, causam
 mandat, cognoscerent illi, & quid æ-
 quum statuerent, ubi difficilius rei mo-
 mentum occurreret, cum voto referrent.
 Principes acceptâ super hoc potestate
 Consiliarios subdelegant. † Bambergensium
 Petrum Jacobum Aulæ Præfectum, &
 Philippum Wernerum Emmerich Fiscum
 Imperialis in judicio Spirensi procurato-
 rem, Würtembergensium Joannem Albrechtum
 de Welward mittit. † Ingressi Ur-
 bem Legati præsidio Suecico adhuc imple-
 tam; anxii, qui hæctenus Remp. ex arbi-
 trario rexerant, ne licentiæ modus præscri-
 beretur, omnia tentant, quo Cæsaream
 Commissionem declinarent. Missi Norin-
 bergam, qui de gentibus eo in conventu
 ad pacis executionem Legatis Suecicis,
 negotium exponerent, etiam præsidii
 præfectus imploratus, idque effectum est,
 ut Legatis Cæsareis, ne quidquam moli-
 rentur, atrocibus verbis inhiaberetur. Sic
 ad sextam hebdomadam dilatum negoti-
 um, & Legati se privatim continue-
 runt.

† Dum hæc ita agerentur, cives ad ma-
 jorum felicitatem respiciunt, hac Senato-

rum

MDCXLIX.

Bambergensium & Würtembergensium Principes à Cæsare nominantur.

Subdelegati

Ingressi urbem æmulos inveniunt.

Communitatis

III.

ris adversus Senatū quærela.

rum vitis se excidisse questi, nullum boni
 publici amorem, tot Reip. Dominia, pa-
 tentem latè Regionem, vectigalia, cen-
 sus, omnia privatis utilitatibus famulari,
 inde Civium inopiam, diminuta com-
 mercia, & de veteri splendore non super-
 fluum, nisi inane nomen. Vetus jam ma-
 lum esse, cui sub initiu superioris sæculi tan-
 to conamine populus remedia quæsiverit.
 Præscriptas ejus sæculi anno decimo gu-
 bernandi leges, ac Reip. commoda salu-
 berrimis ordinationibus firmata, sed pau-
 lò post imperantium libidine inversas, ac
 sic Civitatem indies magis inopiæ, & mi-
 seris subjectam fuisse. Renovandas leges
 pristinas, & Magistratum ad servanda pu-
 blicæ salutis munimenta adigendum esse.
 † Potentem operam istis annis adversus
 paucorum molitiones populum à Domino
 suo Electore Moguntino sensisse, eidem via
 denuò insistendum. Spondere felicem
 exitum quoties implorata, toties præstita
 Sedis auxilia, minusque jam dubitandum,
 cum Princeps ille præsideat, qui sui initia
 Regiminis tot heroicis virtutibus illustra-
 verit. Querelas istum in sensum Electori
 proponunt: Renovari pristinas leges, &
 eas restitui rogant, quæ auctoritate Urie-
 lis ante centum triginta octo annos Reip.
 latae. † Elector non minus commoda
 Civium, quam sua sibi futura cordire-
 spondet, eaque se mediis iisdem adversus
 morosum Senatam curaturum. † Cæsari
 suo-

*Communitas
 ad Dominum
 suum consu-
 git.*

*Elector cau-
 sam suscipit*

*Cæsari com-
 mendat suam
 in eum juris
 dictionem
 prorogata*

suorum Civium desideria aperit, esse quidem hanc inter subditos litem, quam ipsemet audire, & decidere possit, ast nolle se auctoritatem dubiæ fidei Senatûs exponere, detrectasse hætenus Moguntinajussa, quod inermia fuerint, jurisdictionem, quâ polleret, in Cæsarem se prorogaturum, eâ Senatui regendi leges, & licentiæ modum præscriberet. † Hic de potestate sua anxius ad astum recurrit, eumque Cæsarea mandata se frustra declinaturum videret, eandem litem Cæsari submittit, ut & ei adularetur, & studia populi, qui Moguntinum imploraverat, argueret. Cæsar oblatam ab Electore potestatem acceptans, litem hanc inter cives, & Senatum iisdem, quibus Electoris gravamina commiserat, defert. Interim Præsidium Suecicum discesserat.

Senatus recurrit ad astum.

* Legati mandatas sibi curas suscipiunt.
 † Interveniunt Saxones, non ita excludi se, & admitti Moguntinum posse: aliud pacta cum Urbe superioris sæculi anno decimo sexto inita loqui, (a) secundum quas non sit dissidia Civitatis semotis Saxonibus componere. Moguntini contra; Erfordiam Moguntinæ Sedis Urbem esse; publicæ quietis curam non nisi Domino incumbere. Agere Saxones in principatibus suis, & imperare liberè, nullis Moguntini observationibus turbari, idem & huic faverent, transactionem illam in casum

IV.

* MDCL.

Saxones negotiis interveniunt.

(a) Vid. supra ad Annum 1516.